

長通 雖是心慵身莫懶但子好藥名苦服了身輕體健積功
積功須上穹窿

臨江仙

遊歷都京並府郡更兼縣鎮坊村並無術法沒談論一般真箇
好六業鐵聲渾 莫恠時時清韻響人人喚出家門磨伊心鏡
不教昏滿輪明月瑩光射透崑崙

正已修行無怠墮推心上應天機內容整肅吐光輝靈真搜得
瑩方可許瞻睇 謹謹授持專一守靜中清裏歸依法憑條制
不相違九玄并七祖連汝共昇飛

掌法遵條常謹守饒人蘊德尤先孝心自許合神天長長能後

道藏輯要

重陽全真集

美 下胃集一

已永永澹家緣 便是修行真實路正端無黨無偏放開心月
照金蓮馨香衝碧漢堪獻大羅仙

又說四象

性命陰陽如可論心脾腎肺刀圭更兼南北與東西甲庚丁與
癸雀武虎龍齊 子午沖和連卯酉春冬秋夏相攜白青赤黑
吐紅蜺坎離并震兌水火木金躋

又詠葫蘆

一箇葫蘆真箇好朝朝長是隨子腹中明朗瑩中虛貯瓊漿玉
液滋味勝醍醐 日日飲來依舊有自然不用錢沽杖頭挑起
入雲衢三清前面過參從黍米珠

絳帳今朝聖到此榴花對景先開坐間誰悟害風來四梧知我
意三耀散予災 既得相逢休酩酊洞中別有樽壘纔倒一盞
免輪迴自然雲滿日舉步到蓬萊

又 道友問修行

潔已存心歸大善常行惻隱之端慈悲清靜亦頻觀希夷玄奧
旨三教共全完 別子休妻爲上士悉捐財色眞餐長全五臟
得康年功成兼行滿眞性入仙壇

太乙混元眞法錄清心精銳行持先擒自己那蟲尸香煙通土
界威力暗施爲 救拔亡魂消舊業見存廣得洪禧鬼驚神駭
懼勾追行功惟顯著指日彩雲隨

道藏輯要

重陽全眞集

三卷 下冊集一

吸取西江金浪水朝朝用此盤纏循環流轉復清泉肌膚偏瑩
淨壽算得遷延 北斗自然勾姓籍南辰生注長年減財節色
是因緣作爲依上帝棄世做神仙

又 自貽

爲甚風狂偏愛酒非干愚意多輕此般道眼最分明頂門三路
顯得伴道人行 三教幽玄深遠好仍將妙理經營麒麟先悟
仲尼觥青羊言尹喜舍利喚春鶯

又 題贈道友

杜公尋妙訣道本先求認得急持修恩愛斷便迴頭 黑煙都
去盡出得無愁雲友與霞傳蓬島路詰同遊

翁婆成匹配跨虎擒龍結帳作三重夫婦美好相從 午前并
子後煉就殷紅住在絳房中雲外路到蓬宮

昌時須默默清徹名澄總棄總無能軒好景便依登 趙州茶
味好悟曉如冰雲友與霞朋分別得正昇騰

定風波

每日閑遊西復東隨緣且過住塵中杳杳冥冥今古在蒙蒙害
風風裏得飄蓬 公且只知浮蟻動我今偏愛滿堂紅照破當
年昏暗事空空靈臺一點透穹窿

昔日嘉山第一程今朝巨海載清清重泛瑤池真得得盈盈昂
頭堪認自家聲 玉浪銀波別景致瓊濤朱溜作高名湧出白

道藏輯要

重陽全真集

罕

下胃集一
川上上

蓮花一朵呈呈馨香直入大羅城

剔銀燈

今與重添惺惺只是那百初元性急急修持盈盈圓滿子細剔
開周正通玄傳令煉煅出自然清靜 一顆明珠堪敬就上揩
磨精瑩不則本師三真共至更有虛空賢聖齊來俱慶這仙子
此中前定

風馬令

意馬擒來莫容縱長隄備瑤滴溜玎槽頭猢猻相調弄攢蹄舉
耳早臨風瑤滴溜玎 椿上韁兒緊纏鞚這迴你瑤滴溜玎待
馴良牽歸白雲洞逍遙自在更不肯瑤滴溜玎